



Bosnia and Herzegovina
Federation of Bosnia and Herzegovina

CANTON SARAJEVO
Institute for Construction of Canton Sarajevo

Broj: 06-45-10242/25
Sarajevo, 28.11.2025. godine

Na osnovu člana 70. Zakona o organizaciji organa uprave u FBiH („Sl. novine FBiH“ br. 35/05), a u vezi sa članom 70. stav (1) i stav (3) Zakona o javnim nabavkama („Sl. glasnik BiH“ br. 39/14, 59/22 i 50/24), nakon provedenog postupka javne nabavke usluga putem Konkurentskog zahtjeva za dostavu ponuda, a na osnovu Preporuke komisije za javne nabavke broj: 06-45-10238/25 od 28.11.2025. godine i Izvještaja Komisije za javnu nabavku, direktor Zavoda za izgradnju Kantona Sarajevo **d o n o s i** :

O D L U K U

o izboru najpovoljnijeg ponuđača

1. U skladu sa članom 64. stav (1) tačka b) Zakona o javnim nabavkama („Službeni glasnik BiH“ broj 39/14, 59/22 i 50/24) ugovor u postupku javne nabavke „**Usluge redovnog servisiranja službenih vozila Zavoda za izgradnju Kantona Sarajevo**“ dodjeljuje se ponuđaču **Unitrade d.o.o. Ljubuški** sa cijenom ponude u iznosu od **15.015,25 KM bez PDV-a**, popust 0,00 KM, PDV 17 % 2.552,59 KM, odnosno u ukupnom iznosu od **17.567,84 KM sa PDV-om**, obzirom da je podnio prihvatljivu ponudu sa najnižom cijenom.
2. Ponuda ponuđača **Šandor d.o.o. Sarajevo** se odbacuje u skladu sa članom 68. stav (4) tačka i) Zakona o javnim nabavkama („Službeni glasnik BiH“ br. 39/14, 59/22 i 50/24).
3. Ova Odluka objavit će se na web-stranici <http://zik.ks.gov.ba>, Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.
4. Ova Odluka stupa na snagu danom donošenja i dostavlja se ponuđačima koji su učestvovali u postupku javne nabavke, zajedno sa Zapisnikom o ocjeni ponuda broj: 06-45- 10240/25 od 28.11.2025. godine u skladu sa članom 71. stav (2) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 06-45-9334/25 od 30.10.2025..godine, Zavod za izgradnju Kantona Sarajevo je pokrenuo postupak javne nabavke, pripremio tendersku dokumentaciju, objavio Obavještenje o nabavci broj: 285-7-2-85-3-30/25 na portalu javnih nabavki i objavio tendersku dokumentaciju u postupku javne nabavke „**Usluge redovnog servisiranja službenih vozila Zavoda za izgradnju Kantona Sarajevo**“ na Portalu javnih nabavki u skladu sa članom 53. stav (2) Zakona o javnim nabavkama BiH („Službeni glasnik BiH“ br. 39/14, 59/22 i 50/24) i članom 8. stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki na Portalu javnih nabavki („Službeni glasnik BiH“ br. 80/22).

Vrsta postupka javne nabavke: Konkurentski zahtjev za dostavu ponuda
Procijenjena vrijednost javne nabavke iznosi 16.300,00 KM bez PDV-a.

Javna nabavka „**Usluge redovnog servisiranja službenih vozila Zavoda za izgradnju Kantona Sarajevo**“ oglašena je u „Službenom glasniku BiH“ broj: 69/25 od 14.11.2025. godine.

Krajnji rok za prijem ponuda bio je: 21. 11. 2025. godine do 12:30 časova.

Komisija za javnu nabavku se sastala dana 21.11.2025.godine u 13:00 sati, radi preuzimanja i otvaranja ponuda u postupku javne nabavke: „**Usluge redovnog servisiranja službenih vozila Zavoda za izgradnju Kantona Sarajevo**“, koju su podnijeli sljedeći ponuđači:

1. **Unitrade d.o.o. Ljubuški** cijena ponude 15.015,25 KM bez PDV-a
2. **Šandor d.o.o. Sarajevo**cijena ponude 16.170,81 KM bez PDV-a



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Predsjednik Komisije za javnu nabavku je otvorio ponude navedenih ponuđača i iz „Obrasca za cijenu ponude“ i „Obrasca za ponudu“ pročitao ponuđene cijene ponude, dok su uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Na otvaranju ponuda nije bilo ovlaštenih predstavnika ponuđača što je konstatovano u zapisniku sa otvaranja ponuda.

Komisija je istog dana na zatvorenom sastanku izvršila provjeru računske ispravnosti ponuda i izvršila pregled dostavljenih ponuda da bi utvrdila da li su ponuđači ispunili uslove iz člana 45. do 52. Zakona o javnim nabavkama („Službeni glasnik BiH“ br. 39/14, 59/22 i 50/24), kao i da bi utvrdila da li su ponuđači dostavili ponudu u skladu sa zahtjevima iz tenderske dokumentacije i da li su kvalifikovani za izvršenje predmetnog ugovora.

Komisija je utvrdila da su ponude ponuđača **Unitrade d.o.o. Ljubuški** i **Šandor d.o.o. Sarajevo** računski tačne.

Prilikom pregleda i ocjene ponude, Komisija je utvrdila da je ponuđač **Unitrade d.o.o. Ljubuški** dostavio ponudu u skladu sa zahtjevima i uslovima iz tenderske dokumentacije i ispunio sve uslove iz prava učešća propisane članom 45. do 50. Zakona o javnim nabavkama („Službeni glasnik BiH br.39/14, 59/22 i 50/24), i uslov iz člana 52. stav (10) Zakona o javnim nabavkama („Službeni glasnik BiH br.39/14, 59/22 i 50/24), kako je i zahtijevano tenderskom dokumentacijom, te je ponuda ponuđača **Unitrade d.o.o. Ljubuški**, **prihvatljiva**.

Prilikom pregleda i ocjene ponude ponuđača **Šandor d.o.o. Sarajevo**, Komisija za javnu nabavku je utvrdila da je isti u sastavu ponude dostavio:

1. Spisak uspješno realizovanih ugovora (na str. 11. ponude) u kojem je ponuđač naveo dva ugovora (Ugovor sa JU Apoteke Sarajevo, broj ugovora 01-03-1530/25, vrijednost ugovora 14.810,00 KM bez PDV-a i Ugovor sa Uredom Predsjednice Federacije BiH, vrijednost ugovora 3.893,92 KM bez PDV-a)
2. Potvrdu od 26.03.2025. godine (na str. 12. ponude) izdanu od Ureda Predsjednice Federacije BiH, kojom se potvrđuje da je ugovor o uslugama popravke i servisiranja vozila između Ureda Predsjednice Federacije BiH i kompanije Šandor d.o.o. uspješno realizovan u periodu 01.01.2024. do 31.12.2024. u sjedištu kompanije Šandor d.o.o. Kupreška 2, Sarajevo, a iznos realizovanog ugovora je bio 3.893,92 KM.
3. Zahtjev koji je sa e-mail adrese Šandor d.o.o. Sarajevo dana 20.11.2025. godine u 10:39 sati upućen na e-mail adresu JU Apoteke Sarajevo (na str. 13. ponude), kojim Šandor d.o.o. Sarajevo u cilju učešća na tenderu traži od JU Apoteke Sarajevo, kako je naveo u Zahtjevu, potvrdu o uredno realizovanom ugovoru u vrijednosti najmanje 15.000,00 KM bez PDV-a, koji se odnose na usluge koje su predmet tenderske dokumentacije, te zbog hitnosti naveo da mu je potvrda potrebna danas. Na navedenom Zahtjevu ponuđač Šandor d.o.o. Sarajevo je dao svojeručno napisanu, potpisanu i ovjerenu Izjavu, u kojoj je naveo da Potvrda, a niti ikakav odgovor nije stigao do trenutka predaje ponude, te da se ugovor nalazi u njegovom posjedu.

Članom 48. stav (2) Zakona o javnim nabavkama je propisano da:

Ako ugovorni organ zahtijeva dokaz o uredno izvršenim ugovorima, taj dokaz se podnosi u formi spiska izvršenih ugovora **uz potvrdu o njihovoj realizaciji** koju daje druga ugovorna strana. **U slučaju da se takva potvrda iz objektivnih razloga ne može dobiti od ugovorne strane** koja nije ugovorni organ, **važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede.**

Tačkom 13.3.a) tenderske dokumentacije je propisano da će se ocjena tehničke i profesionalne sposobnosti ponuđača izvršiti na osnovu dostavljanja sljedećih dokaza:

- a) **spisak izvršenih ugovora** o izvršenim uslugama, koje se odnose na usluge koje su predmet tenderske dokumentacije, u posljednje 3 (tri) godine, računajući od dana objave obavještenja o nabavci na portalu javnih nabavki ili od datuma registracije, odnosno



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

početka poslovanja, ako je ponuđač registrovan, odnosno počeo da radi prije manje od 3 (tri) godine, koji sadrži **jedan ugovor u vrijednosti najmanje 15.000,00 KM bez PDV-a ili više ugovora** čija zbirna vrijednost iznosi **minimalno 15.000,00 KM bez PDV-a**.

NAPOMENA: Uz spisak izvršenih ugovora ponuđač je dužan dostaviti potvrdu/e o uredno izvršenom jednom ugovoru u vrijednosti najmanje 15.000,00 KM bez PDV-a ili više ugovora čija zbirna vrijednost iznosi minimalno 15.000,00 KM bez PDV-a, koji se odnose na usluge koje su predmet tenderske dokumentacije, a koju daje druga ugovorna strana o njenoj realizaciji. Potvrda obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenom ugovoru. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde obezbijede.

S obzirom da je ponuđač **Šandor d.o.o. Sarajevo** dostavio Spisak uspješno realizovanih ugovora i dokaz o učinjenom pokušaju da obezbijedi potvrdu o uredno izvršenom ugovoru od druge ugovorne strane (JU Apoteke Sarajevo), ali uz predočeni dokaz nije dostavio Izjavu privrednog subjekta (ponuđača) o uredno izvršenom ugovoru, Komisija za javnu nabavku je ocijenila da navedeni ponuđač nije postupio na način kako je definisano članom 48. stav (2) Zakona o javnim nabavkama i tačkom 13.3.a) tenderske dokumentacije, kojima se eksplicitno traži spisak uredno izvršenih ugovora, uz potvrdu o uredno izvršenim ugovorima, a u slučaju da se takva potvrda iz objektivnih razloga ne može dobiti od druge ugovorne strane važi izjava privrednog subjekta o uredno izvršenom ugovoru uz predočavanje dokaza o učinjenom pokušaju da se takva potvrda obezbijedi, a koju Izjavu ponuđač **Šandor d.o.o. Sarajevo** nije dostavio u ponudi. Pored toga, Komisija je ocijenila da iz dostavljenog dokaza o učinjenom pokušaju da obezbijedi potvrdu o uredno izvršenom ugovoru ne proizilazi da ponuđač **Šandor d.o.o. Sarajevo** iz objektivnih razloga nije bio u mogućnosti do dana predaje ponuda pribaviti potvrdu od JU Apoteke Sarajevo, budući da je tek 20.11.2025. godine u 10:39h (dan prije isteka krajnjeg roka za predaju ponude, koji je određen za 21.11.2025. godine do 12:30 h) putem e-maila uputio Zahtjev za izdavanje potvrde o uredno izvršenom ugovoru, a kako su objektivni razlozi oni koji se ne mogu dovesti u vezu sa samim ponuđačem, to se ni pokušaj ponuđača da pribavi potvrdu tek dan pred istek roka za dostavu ponude ne može smatrati objektivnim razlogom zbog kojeg nije bio u mogućnosti na vrijeme pribaviti potvrdu, budući da je ponuđač **Šandor d.o.o. Sarajevo** dana 11.11.2025. godine preuzeo tendersku dokumentaciju, a tek 20.11.2025. godine (dan prije isteka roka za dostavljanje ponuda) pokušao da pribavi potvrdu o uredno izvršenom ugovoru od JU Apoteke Sarajevo. Imajući u vidu sve navedeno, Komisija za javnu nabavku je ocijenila da ponuđač **Šandor d.o.o. Sarajevo** nije dokazao da ispunjava uslov iz tačke 13.3.a) tenderske dokumentacije, na način kako je to zahtijevano navedenom tačkom TD, budući da u ponudi uz predočeni dokaz o učinjenom pokušaju da pribavi potvrdu o uredno izvršenom ugovoru od JU Apoteke Sarajevo nije dostavio Izjavu privrednog subjekta o uredno izvršenom ugovoru, a iz samog dokaza o učinjenom pokušaju da pribavi potvrdu ne proizilazi da ponuđač iz objektivnih razloga koji se ne mogu dovesti u vezu sa samim ponuđačem nije bio u mogućnosti na vrijeme (do isteka roka za dostavu ponuda) pribaviti potvrdu, kako je to naprijed obrazloženo, dok druga dostavljena potvrda o uredno izvršenom ugovoru (Ureda Predsjednice Federacije BiH) na iznos od 3.892,92 KM ne ispunjava minimalnu zahtijevanu vrijednost izvršenog ugovora u prethodnom periodu (jedan ugovor minimalne vrijednosti 15.000,00 KM bez PDV-a ili više ugovora čija zbirna vrijednost iznosi minimalno 15.000,00 KM bez PDV-a), zbog čega se ponuda ponuđača **Šandor d.o.o. Sarajevo** odbacuje jer ne ispunjava zahtjeve iz tenderske dokumentacije, a u skladu sa članom 68. stav (4) točka i) Zakona o javnim nabavkama koji propisuje da je ugovorni organ dužan da odbaci zahtjev za učešće ili ponudu u slučajevima kad:

i) ponuda nije potpuna i ne ispunjava zahtjeve iz tenderske dokumentacije.



Bosnia and Herzegovina
Federation of Bosnia and Herzegovina
CANTON SARAJEVO
Institute for Construction of Canton Sarajevo

Komisija je konstatovala da je jedina prihvatljiva ponuda, ponuda ponuđača **Unitrade d.o.o. Ljubuški**, sa cijenom:

1. **Unitrade d.o.o. Ljubuški**..... 15.015,25 KM bez PDV-a, popust 0,00, PDV 17% 2.552,59, ukupno 17.567,84 KM sa PDV-om

Tenderskom dokumentacijom je propisano da je kriterij za dodjelu ugovora najniža cijena i predviđeno je provođenje e-aukcije.

S obzirom da je samo jedna prihvatljiva ponuda Ugovorni organ nije zakazao, niti proveo e- aukciju, a u skladu sa Pravilnikom o uslovima i načinu korištenja e-aukcije („Službeni glasnik BiH, br. 80/23), kojim je u članu 4. stav (2) propisano: „U slučaju prijema jedne prihvatljive ponude e-aukcija se ne zakazuje“.

Nakon izvršene ocjene ponuda Komisija predlaže Ugovornom organu da se:

U skladu sa članom 64. stav (1) tačka b) Zakona o javnim nabavkama („Službeni glasnik BiH“ br.39/14,59/22 i 50/24) ugovor u postupku javne nabavke usluga „**Usluge redovnog servisiranja službenih vozila Zavoda za izgradnju Kantona Sarajevo**“ dodijeli ponuđaču **Unitrade d.o.o. Ljubuški** za ponudenu cijenu u iznosu od **15.015,25 KM bez PDV-a**, popust 0,00 KM, PDV 2.552,59 KM, odnosno u ukupnom iznosu od **17.567,84 KM sa PDV-om**, s obzirom da je u predmetnom postupku ponudio prihvatljivu ponudu sa najnižom cijenom.

Komisija je sačinila Zapisnik o ocjeni ponuda broj: 06-45-10240/25 od 28.11. 2025. godine, koji je sastavni dio ove Odluke i koji se dostavlja svim učesnicima u predmetnom postupku javne nabavke.

Shodno svemu navedenom odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje u pisanoj formi direktno na Protokol ugovornog organa ili preporučenom poštom, u roku od 5 (pet) dana od dana prijema ove odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 750,00 KM.

Dokaz o plaćenju naknade za pokretanje žalbenog postupka u navedenom iznosu, na osnovu kojeg se može nesumnjivo utvrditi da je transakcija izvršena i kopija bankovnog izvoda računa sa kojeg je izvršeno plaćanje, obavezno se dostavljaju Ugovornom organu u roku za izjavljivanje žalbe.

Pripremila: Alma Marić, dipl.pravnik

Kontrolisala: Vildana Zeba Viteškić, dipl.pravnik

Direktor
Belma Barlov, dipl.ing.arh.

DOSTAVITI:

1. Unitrade d.o.o. Ljubuški, putem e-maila: ivana.sose@unitrade.ba;
2. Šandor d.o.o. Sarajevo, putem e-maila: sandor_sa@hotmail.com;